



REPUBLIKA E SHQIPËRISË  
ENTI RREGULLATOR I ENERGJISË  
BORDI

VENDIM

Nr. 124, Datë 06.05.2026

MBI

**FILLIMIN E PROCEDURËS PËR MIRATIMIN E DISA NDRYSHIMEVE NË  
“RREGULLOREN PËR PROCEDURAT DHE AFATET PËR DHËNIEN,  
MODIFIKIMIN, TRANSFERIMIN OSE HEQJEN E LICENCAVE NË SEKTORIN E  
GAZIT NATYROR”, MIRATUAR ME VENDIMIN E BORDIT TË ERE-S NR. 97, DATË  
04.07.2017**

Në mbështetje të nenit 16, të ligjit nr. 43/2015 “Për sektorin e energjisë elektrike”, i ndryshuar, si dhe të neneve 16, pika 11, 18; 22, 23 dhe 24 të ligjit nr. 102/2015, “Për sektorin e Gazit natyror” i ndryshuar; neneve 15 dhe 26 të Rregullores për organizimin, funksionimin dhe procedurat e ERE-s, miratuar me vendimin e bordit të Entit Rregullator të Energjisë (ERE) nr. 96, datë 17.06.2016, si dhe nenit 19 të Rregullores për procedurat dhe afatet për dhënie, modifikimin, transferimin, rinovimin, njohjen dhe heqjen e licencave në sektorin e gazit natyror, miratuar me vendimin e bordit të ERE-s nr.97, datë 04.07.2017, Bordi i ERE-s, në mbledhjen e tij të datës 06.05.2026, mbasi shqyrtoi relacionin nr. 1527 prot., datë 06.05.2026, të përgatitur nga Drejtoritë Teknike, “Mbi fillimin e procedurës për miratimin disa ndryshimeve në “Rregulloren për procedurat dhe afatet për dhënie, modifikimin, transferimin, rinovimin, njohjen dhe heqjen e licencave në sektorin e gazit natyror”, miratuar me vendimin e bordit të ERE-s nr. 97, datë 04.07.2017”

**Konstatoi se:**

- Në zbatim të ligjit nr. 102/2015 “Për sektorin e gazit natyror”, me vendimin e bordit të ERE-s nr. 97, datë 04.07.2017, është miratuar “Rregullorja për procedurat dhe afatet për dhënie, modifikimin, transferimin ose heqjen e licencave në sektorin e gazit natyror”.
- Pas miratimit të rregullores, ligji nr. 102/2015 “Për sektorin e gazit natyror” është ndryshuar, ndër të tjera me ligjin nr. 81/2021 “Për disa ndryshime dhe shtesa në ligjin nr. 102/2015, “Për sektorin e gazit natyror”, duke shtuar veprimtari të reja që i nënshtrohen licencimit, si operimi në impiantet e GNL-së dhe GNK-së me përmasa të vogla.
- Nga analiza e përmbajtjes së rregullores ekzistuese është evidentuar nevoja për përditësimin e saj, me qëllim sigurimin e përputhshmërisë me kuadrin ligjor në fuqi.
- Në këtë kuadër, janë propozuar ndryshime që synojnë harmonizimin e rregullores me ligjin nr. 102/2015, i ndryshuar, duke përfshirë shtimin e këtyre kategorive të reja të veprimtarive të licencuara, dokumentacionin, afatet dhe procedurën përkatëse për t’u pajisur me licencë për ushtrimin e secilës prej këtyre veprimtarive, si dhe disa ndryshime të tjera në kuadër të saktësimit/qartësimit të përcaktimeve të rregullores.

- Ndryshimet dhe shtesat e propozuara në rregullore konsistojnë në përditësimin dhe harmonizimin e bazës ligjore me ndryshimet më të fundit të legjislacionit për sektorin e gazit natyror, zgjerimin e objektit të rregullores dhe përcaktimin më të detajuar të procedurave të licencimit për aktivitetet në sektorin e gazit natyror.
- Në këtë kuadër, parashikohen përkufizime të reja për Gazin Natyror të Lëngëzuar (GNL), Gazin Natyror të Komprimuar (GNK), impiantet me përmasa të vogla, operimin, përdorimin, operatorin e tregut dhe përdoruesin e sistemit, si dhe shtohen kategori të reja licencimi për operimin e impianteve të GNL-së dhe GNK-së me përmasa të vogla.
- Gjithashtu, riformulohen kriteret, afatet dhe dokumentacioni për aplikim, duke përfshirë kërkesa teknike, financiare, mjedisore dhe të sigurisë për çdo kategori licence, si dhe përcaktohet mundësia e dhënies së licencës me kusht dhe procedurat përkatëse të monitorimit dhe verifikimit të saj.
- Ndryshimet synojnë gjithashtu rritjen e transparencës dhe efikasitetit administrativ përmes riorganizimit të regjistrimit të licencimeve dhe publikimit të të dhënave përkatëse në faqen zyrtare të ERE-s.

Për gjithë sa më sipër, bordi i ERE-s,

**Vendosi:**

1. Fillimin e procedurës për miratimin e ndryshimeve në “*Rregulloren për procedurat dhe afatet për dhënien, modifikimin, transferimin, rinovimin, njohjen dhe heqjen e licensave në sektorin e gazit natyror*”, miratuar me vendimin e bordit të ERE-s nr. 97, datë 04.07.2017 (sipas ndryshimeve të propozuara bashkëlidhur)
2. Drejtoria e Rregullimit të Gazit Natyror, të njoftojë palët e interesit për vendimin e bordit të ERE-s

Ky vendim hyn në fuqi menjëherë.

Çdo palë e përfshirë në këtë procedurë mund t’i kërkojë ERE-s, brenda 7 ditëve kalendarike nga data e marrjes dijeni të vendimit, rishikimin e vendimit të bordit në rast se ka siguruar prova të reja që mund ta çojnë bordin në marrjen e një vendimi të ndryshëm nga i mëparshmi apo për gabime materiale të konstatuara. Për këtë vendim mund të bëhet ankim në Gjykatën Administrative Tiranë, brenda 45 ditëve kalendarike nga dita e publikimit në Fletoren Zyrtare.

Ky vendim botohet në Fletoren Zyrtare.

**KRYETARI**

**Petrit**

**AHMETI**

### **Ndryshime dhe shtesa ne Rregullore:**

**Neni 1 është:** Kjo Rregullore është përgatitur në përputhje me nenin 16 pika 11 dhe nenin 24 të Ligjit Nr. 102/2015, "Për Sektorin e Gazit Natyror".

**Propozohet të bëhet:** Kjo Rregullore hartohet në zbatim të nenit 16, pika 11 dhe neneve 22, 23 dhe 24 të ligjit nr. 102/2015, "Për Sektorin e Gazit Natyror", i ndryshuar me ligjin nr. 81/2021 "Për disa ndryshime dhe shtesa në ligjin nr. 102/2015"; ligjin nr. 89/2018 dhe ligjin nr. 64/2018, si dhe në zbatim të "Rregullores për organizimin, funksionimin dhe procedurat e Entit Rregullator të Energjisë", miratuar me vendimin e Bordit të ERE-s nr. 96, datë 17.06.2016, të ndryshuar.

**Neni 2 është:** Kjo Rregullore përcakton procedurat e licensimit për; 1. Kryerjen e aktiviteteve sikurse përcaktuar në Ligjin Nr. 102/2015, "Për Sektorin e Gazit Natyror", duke specifikuar termat dhe kushtet për dhënien, ndryshimin e një License, si dhe autoritetin e ERE për përcaktimin e pagesave për t'u kryer për çdo lloj Aplikimi për Licensë. 2. Kushtet për dhënien, heqjen, modifikimin transferimin e një License në përputhje me nenin 27, 28 29 të Ligjit Nr. 102/2015, "Për Sektorin e Gazit Natyror".

**Propozohet të bëhet:** Kjo rregullore përcakton procedurat dhe afatet për dhënien, modifikimin, transferimin, ndryshimin ose heqjen e licencave për veprimtaritë e rregulluara në sektorin e gazit natyror, sipas përcaktimeve të ligjit nr. 102/2015 "Për sektorin e gazit natyror", i ndryshuar, si dhe përcakton autoritetin e ERE-s për shqyrtimin e aplikimeve, dhënien e licencave me kusht dhe vendosjen e pagesave përkatëse për çdo aplikim.

**Neni 3 propozohet të shtohen përkufizimet si në vijim:**

**"Gaz Natyror i Lëngëzuar"** (GNL) është gazi metan CH<sub>4</sub>, i cili kthehet në lëng në presionin 1 atm dhe temperaturë minus 161 gradë celsius.

**"Gaz Natyror i Komprimuar"** (GNK) është gazi metan CH<sub>4</sub>, i cili komprimohet në presionin 200 atm."

**"Impiant me përmasa të vogla"** është njësia lëvizëse që përdoret për prodhimin/depozitimin, transportimin dhe/ose shpërndarjen e sasive të vogla të GNL-së dhe/ose GNK-së.

**"Impiant GNL-je"** është terminali që përdoret për lëngëzimin e gazit natyror ose importin, eksportin, shkarkimin apo rigazifikimin e GNL-së, përfshirë shërbimet ndihmëse dhe depozitat e përkohshme, të nevojshme për procesin e rigazifikimit dhe lëvrimin e mëtejshëm në sistemin e transmetimit, pa përfshirë pjesët e terminaleve të GNL-së, që përdoren për depozitim.

**"Transmetim"** është transporti i gazit natyror, nëpërmjet një rrjeti tubacionesh të presionit të lartë, i ndryshëm nga rrjeti i tubacionit në sektorin e kërkim-prodhimit, si edhe i ndryshëm nga një pjesë e tubacioneve të presionit të lartë, të përdorura paraprakisht për shpërndarjen e gazit, ku synohet lëvrimi e tij te klientët, pa përfshirë furnizimin.

**"Shpërndarje"** është transporti i gazit natyror nëpërmjet rrjeteve të tubacioneve, për lëvrimin e tij te klientët, pa përfshirë furnizimin.

**"Furnizim"** është shitja dhe rishitja e gazit natyror, përfshirë GNL-në, te klientët. "Tregtim" është blerja ose shitja me shumicë e gazit natyror.

“**Operim**” është vënia në veprim dhe shfrytëzim, në kuptimin tregtar, të infrastrukturës së sistemit të gazit natyror, në përputhje me kushtet e përcaktuara në licencën përkatëse, të lëshuar nga ERE.

“**Hapësirë depozitimi**” është hapësira e përdorur për depozitimin e gazit natyror, që zotërohet dhe/ose operohet nga një shoqëri e gazit natyror, përfshirë pjesën e impianteve të GNL-së, të përdorura për depozitim, duke përjashtuar ato impiante GNL-je që përdoren për veprimtarinë e prodhimit dhe hapësirat e rezervuara ekskluzivisht për Operatorin e Sistemit të Transmetimit (OST) në kryerjen e funksioneve të tij.

“**Operatori i tregut**” është struktura përgjegjëse e licencuar për operimin, organizimin dhe menaxhimin e tregut të gazit natyror.

“**Përdorim**” është vënia në funksionim dhe mirëmbajtja në aspektin teknologjik të infrastrukturës së sistemit të gazit natyror (tubacione gazsjellësish, impiante GNL-je apo hapësira depozitimi të gazit natyror).

“**Përdorues i sistemit**” është personi që furnizon ose furnizohet nga sistemi, si edhe vetë një operator i sistemit, i cili, sipas nevojave, i kryen vetë funksionet respektive.

#### **Neni 4 pika 1 shtohen gërmat:**

ë. Operimin në impiantet e GNL-së me përmasa të vogla;

f. Operimin në impiantet e GNK-së me përmasa të vogla.

**Neni 5** riformulohet duke shtuar tog falshin “operimin në impiantet e GNL dhe/ose GNK me përmasa të vogla” si në vijim: *Kohëzgjatja e vlefshmërisë së një License të lëshuar sipas kësaj Rregulloreje për transmetim, shpërndarje, depozitim dhe GNL prej ERE në përputhje me nenin 4 të kësaj Rregulloreje, do të jetë për një periudhë prej 30 vitesh, me të drejtë përsëritjeje. Kohëzgjatja e vlefshmërisë të një Licence për furnizim dhe tregtim operimi në hapësirat e gazit natyror, funksionimin e operatorit të tregut të gazit natyror, operimin në impiantet e GNL dhe/ose GNK me përmasa të vogla do të jetë për një periudhë prej 10 vitesh, me të drejtë përsëritjeje.*

**Neni 8, pika 6, gërma “a”, hiqet fjala e “noterizuar”.**

**Neni 9 riformulohet tërësisht si vijon:**

1. *Forma e Aplikimit (për tu plotësuar nga Aplikanti)*

2. *Një Aplikim për një Licencë do të përbehet nga: a. Aplikuesi duhet të plotësojë formatin e aplikimit, sipas formatit në vijim:*

**a. Dokumentacioni Ligjor, Administrativ dhe Pronësor**

(i) *Akti i regjistrimit në Qendrën Kombëtare të Regjistrimit të Biznesit dhe statuti e akti i themelimit shoqërisë tregtare.*

(ii) *Vërtetim i gjendjes gjyqësore (dëshmi penaliteti nga Drejtoria e Përgjithshme e Burgjeve), që vërteton se personi juridik dhe administratorit/administratorëve të shoqërisë tregtare nuk janë të dënuar.*

(iii) *Në rastin e subjekteve me nënshtetësi të huaj, duhet të depozitohet vërtetimi i gjendjes gjyqësore të vendit të rezidencës, i përkthyer dhe i pajisur me vulë apostile.*

(iv) *Struktura organizative dhe funksionimi administrativ i shoqërisë. Lista e Personelit sipas profilit (në përputhje me aktivitetin për të cilin është kërkuar Licensa).*

(v) *Me përjashtim të aplikimit për licensë të furnizimit (neni 4.1.c) dhe tregtimit (neni 4.1.ç), dhe operimit të tregut marrëveshja dhe leja e miratuar nga Këshilli i Ministrave. Identiteti i të gjithë Personave që kanë interes pronësor tek Aplikanti më të madh dhe të barabartë me 5%.*

(vi) *Dokumentacioni që tregon titujt ose pronësinë mbi asetet që ka, që ka dedikuar ose ka nënkontraktuar/marrë me qera ose që pritet në mënyrë bindëse të përfitohen nga ose për*

*Aplikantin për të kryer funksionet ose plotësuar detyrimet nën Licensën e kërkuar. Lejet dhe autorizimet mjedisore sipas rastit për aktivitetet ushtrimi i të cilave kyhet me asetet përkatëse.*

**b. Dokumentacioni dhe Garancitë Financiare dhe Fiskale;**

- *Deklarime të lëshuara prej autoriteteve përkatëse për shlyerjen e detyrimeve fiskale dhe sigurimeve shoqërore, në masën që këto detyrime janë plotësuar prej Aplikantit.*
- *Bilancet financiare të audituara nga një shoqëri audituese e akredituar, për secilin prej tre viteve të fundit që paraprijnë paraqitjen e Aplikimit.*
- *Garancinë e përshtatshme Financiare (neni 4.1.c) dhe tregtimit (neni 4.1.ç) dhe Garancinë e Performancës që sigurojnë aftësinë e Aplikantit për të përmbushur të gjithë detyrimet e tij nën Licencën e kërkuar, duke përfshirë por pa u kufizuar; largimin përfundimtar të plotë ose të pjesshëm të pajisjeve dhe/ose infrastrukturës dhe rehabilitimin e mjedisit, si dhe mbështetjen menaxheriale, operacionale dhe financiare prej pronarëve të Aplikantit.*
- *Me përjashtim të rastit të furnizimit (neni 4.1.c), rastit të tregtimit (neni 4.1.ç), rastit të aktivitetit të GNK-së (neni 4.1.ë) dhe rastit të aktivitetit të GNL-së (neni 4.1.f), një çertifikatë sigurimi nga shoqëri sigurimi (që operojnë në përputhje me legjislacionin në fuqi në Shqipëri) që evidenton mbulimin e përgjegjësisë për dëmtimet për plagosje, sëmundje ose raste të vdekjes së Personave ose për humbjen ose shkatërrimin e pronës të shkatëruara ose që kanë rezultuar prej aktiviteteve të Aplikantit në kuadër të Licencës së kërkuar në një nivel përgjegjësie jo më të vogël se 10 milion USD. Kjo politikë ose këto politika sigurie do të jenë dhe qëndrojnë në fuqi dhe me efekt të plotë për të gjithë kohëzgjatjen e Licencës së kërkuar. Për më tepër, i Licencuari do të mbetet përgjegjës për çdo dëmtim që do të mund të ndodhë prej, ose të lidhet me, ose të rezultojë prej aktiviteteve të kryera gjatë kohëzgjatjes së Licencës.*
- *Vërtetimin e kryerjes së pagesës ndaj ERE-s të Tarifës së Aplikimit në fuqi në momentin e paraqitjes së Aplikimit.*
- *Një plan biznesi, i cili përfshin një analizë të kostove dhe përfitimeve, përfshirë kostot për largimin përfundimtar të pajisjeve dhe rehabilitimin e mjedisit me përfundimin e operacioneve.*
- *Nëse Aplikanti ka synim të përdorë një shoqëri menaxhimi për operacionet e tij ditore ai duhet të informojë ERE për këtë synim dhe të japë një Garanci të Performancës për kryerjen me ndershmëri dhe besueshmëri të veprimeve prej kësaj shoqërie menaxhimi.*

**2. Dokumente Specifike për Llojin e Licensës.**

*Në varësi të tipit të Licensës, Aplikanti do të paraqesë në ERE dokumentet që vijojnë:*

**a. Licensa për Transmetimin e Gazit Natyror;**

*a.1 Subjekti që aplikon për një licencë në transmetimin e gazit natyror, duhet që më parë të çertifikohet sipas procedurës së përcaktuar në nenin 37 të ligjit 102/2015 “Për Sektorin e Gazit Natyror”.*

*a.2 Informacion me të dhëna të përgjithshme dhe teknike të projektit që përfshijnë sa vijon:*

- Vendndodhjen e instalimeve dhe gjurmën e tubacioneve përfshirë hartën Topografike për territorin ku do të ushtrojë aktivitetin.*
- Kapacitetin maksimal teknik të kontraktuar dhe të disponueshëm në të gjitha pikat e hyrjes (in take) në Sistem dhe të daljes (off take) prej Sistemit dhe ndërlihdhet e tij me rrjete të tjera të Transmetimit dhe Shpërndarjes, impiantet e magazinimit, prodhimin dhe terminalin e GNL.*
- Volumet e projektuara ditore për tu përpunuar sipas vlerësimeve të Aplikantit.*
- Standardet teknike, presionet maksimale të projektuara, kërkesat e komprimimit dhe karakteristikat e tjera teknike të makinerive dhe pajisjeve teknike që do të instalohen.*
- Presionet e punës të projektuara mbështetur në vlerësimet e Aplikantit.*

- (vi) *Kategoritë dhe lista e konsumatorëve si dhe livrimet e parashikuara*
- (vii) *Vendndodhjet e matësve dhe specifikimet.*
- (viii) *Vendndodhjet e kontrollit të cilësisë së gazit.*
- (ix) *Dëshmi të kontratave/angazhimeve për transportin e gazit.*
- (x) *Kërkesat e pritshme për hyrje prej palëve të treta ose çdo kërkesë e pritshme për përjashtim nga e drejta për hyrje e palëve të treta, sikurse çdo vendim i dhënë më parë për përjashtim prej detyrimit të dhënies së të drejtës së hyrjes për infrastrukturat e reja sipas ligjit nr. 102/2015 "Për Sektorin e Gazit Natyror",*
- (xi) *Lidhjet ndër-kufitare dhe parametrat e operimit në vendet fqinje.*
- (xii) *Marrëveshjet operacionale të balancimit.*
- (xiii) *Burimi i synuar dhe procedura e prokurimit të gazit natyror të nevojshëm për balancimin e Sistemit të Transmetimit.*
- (xiv) *Aftësia për lëvizjen në kah të kundërt.*
- (xv) *Punët e Aplikantit për (a) zgjidhjen teknike të propozuar (b) vlerësimin e ndikimit mjedisor (c) vlerësimin e kostos (d) parashikimet ekonomike duke përfshirë mënyrat e financimit të cilat justifikojnë planin e biznesit për projektin e Transmetimit të gazit natyror të përgatitura nga një shoqëri e specializuar inxhinierike .*
- (xvi) *Programin e punës për zbatimin e projektit dhe jeta e pritshme e projektit.*
- (xvii) *Planet vjetore të investimit për përmirësimin, zgjerimin ose modifikime të tjera të Sistemit të Transmetimit për një periudhë jo më pak se 5 vjet prej datës efektive të Licensës në përputhje me legjislacionin në fuqi.*
- (xviii) *Programi i parashikuar i mirëmbajtjes së Sistemit të Transmetimit.*

**b. Licensa për Shpërndarjen e Gazit Natyror:**

*Informacion me të dhëna të përgjithshme dhe teknike të projektit që përfshijnë sa vijon:*

- (i) *Vendndodhjen e instalimeve dhe gjurmën e tubacioneve përfshirë hartën Topografike .*
- (ii) *Zonën gjeografike të mbuluar nga Aplikimi.*
- (iii) *Kapacitetin maksimal teknik të kontraktuar dhe të disponueshëm në të gjitha pikat e hyrjes (in take) në Sistem dhe të daljes (off take) prej Sistemit dhe ndërlidhjet e tij me rrjetet e tjera të Transmetimit dhe Shpërndarjes, impiantet e magazinimit, prodhimin dhe terminalin e GNL.*
- (iv) *Volumet e projektuara ditore për t'u përpunuar sipas vlerësimeve të Aplikantit.*
- (v) *Standardet teknike, presionet maksimale të projektuara, kërkesat e komprimimit dhe karakteristikat e tjera teknike të makinerive dhe pajisjeve teknike që do të instalohen.*
- (vi) *Presionet e punës të projektuara mbështetur në vlerësimet e Aplikantit.*
- (vii) *Kategoritë e konsumatorëve dhe livrimet e projektuara.*
- (viii) *Vendndodhjet e matësve dhe specifikimet.*
- (ix) *Planet e aromatizimit përfshirë vendndodhjet.*
- (x) *Dëshmi të kontratave/angazhimeve.*
- (xi) *Kërkesat e pritshme për hyrje prej palëve të treta ose çdo kërkesë e pritshme për përjashtim nga e drejta për hyrjen e palëve të treta sikurse çdo vendim i dhënë më parë për përjashtim prej detyrimit të dhënies së të drejtës së hyrjes për infrastrukturat e reja sipas ligjit nr. 102/2015 "Për Sektorin e Gazit Natyror".*
- (xii) *Lidhjet ndër-rajonale dhe parametrat e operimit të OSSH fqinje nëse është e përshtatshme.*
- (xiii) *Aftësia për lëvizjen në kah të kundërt në se është e përshtatshme.*
- (xiv) *Punët e Aplikantit për (a) zgjidhjen teknike të propozuar (b) vlerësimin e ndikimit*

*mjedisor (c) vlerësimin e kostos (d) parashikimet ekonomike duke përfshire mënyrat e financimit të cilat justifikojnë planin e biznesit për projektin e Shpërndarjes të gazit natyror të përgatitura nga një firmë e specializuar inxhinjerike.*

- (xv) *Programin e punës për zbatimin e projektit dhe jeta e pritshme e projektit.*
- (xvi) *Planet vjetore të investimit për përmirësimin, zgjerimin ose modifikime të tjera të Sistemit të Shpërndarjes për një periudhe jo më pak se 5 vjet prej datës efektive të Licensës në përputhje me legjislacionin në fuqi.*
- (xvii) *Programi i parashikuar i mirëmbajtjes së Sistemit të Shpërndarjes.*
- (xviii) *Sasia mesatare e gazit natyror që parashikohet për t'u shpërndarë gjatë një viti mbështetur në një program tipik mujor.*

**c. Licensa për Operimin e Impianteve të Gazit Natyror të Lëngëzuar (GNL):**

*Informacion me të dhëna të përgjithshme dhe teknike të projektit që përfshijnë sa vijon:*

- (i) *Tipi i impiantit të rigazifikimit*
- (ii) *Hartat dhe vizatimet që tregojnë vendndodhjen e instalimeve në tokë dhe në det dhe pikën(at) e lidhjes me tubacionet tokësore të transmetimit përfshirë hapësirat e magazinimit që lidhen me operationet e GNL.*
- (iii) *Kapacitetin maksimal teknik, të kontraktuar dhe të disponueshëm në pikën e marrjes (off take) prej/për në terminal.*
- (iv) *Volumet e projektuara ditore për t'u përpunuar sipas vlerësimeve të Aplikantit.*
- (v) *Standardet teknike, presionet maksimale të projektuara, kërkesat e komprimimit dhe matjes dhe karakteristikat e tjera teknike të makinerive dhe pajisjeve teknike që do të instalohen.*
- (vi) *Presionet e punës të projektuara mbështetur në vlerësimet e Aplikantit.*
- (vii) *Programet e synuara të furnizimit dhe madhësia e anijeve çisternë të GNL.*
- (viii) *Madhësia e rezervuarëve të depozitimit.*
- (ix) *Burimet e furnizimit.*
- (x) *Kategoritë dhe lista e konsumatorëve të pritshëm si dhe livrimet e projektuara.*
- (xi) *Kërkesat e pritshme për hyrje prej palëve të treta ose çdo kërkesë e pritshme për përjashtim nga e drejta për hyrje e palëve të treta sikurse çdo vendim i dhënë më parë për përjashtim prej detyrimit të dhënies së të drejtës së hyrjes për infrastrukturën e reja sipas ligjit nr. 102/2015 “Për Sektorin e Gazit Natyror”.*
- (xii) *Punët e Aplikantit për (a) zgjidhjen teknike të propozuar (b) vlerësimin e ndikimit mjedisor (c) vlerësimin e kostos (d) parashikimet ekonomike duke përfshire mënyrat e financimit të cilat justifikojnë planin e biznesit për projektin e GNL të përgatitura nga një shoqëri e specializuar dhe e licensuar për këto shërbime.*
- (xiii) *Programin e punës për zbatimin e projektit dhe jetëgjatësia e pritshme e projektit.*
- (xiv) *Planet vjetore të investimit për përmirësimin, zgjerimin ose modifikime të tjera të impiantit të GNL për një periudhë jo më pak se 5 vjet prej datës efektive të Licensës në përputhje me legjislacionin në fuqi.*
- (xv) *Programi i parashikuar i mirëmbajtjes së impiantit të GNL.*

**d. Licensa për Operimin e Hapësirave të Depozitimit të Gazit Natyror:**

*Informacion me të dhëna të përgjithshme dhe teknike të projektit që përfshijnë sa vijon:*

- (i) *Vendndodhjen gjeografike të hapësirës së depozitimit nëntokësor dhe gjurmën e tubacioneve përfshirë një hartë topografike.*
- (ii) *Përshkrim të kushteve gjeologjike të hapësirës depozituese nëntokësore.*
- (iii) *Volumi maksimal i depozitueshëm dhe gazi i vet i nevojshëm.*
- (iv) *Kërkesat minimale të cilësisë që duhet të plotësojë gazi që do të magazinohet.*

- (v) *Profili i debiteve të ri-lëvrimit të gazit natyror.*
- (vi) *Presioni maksimal i rezervuarit nëntokësor.*
- (vii) *Numri i puseve dhe debitet maksimale të tyre të injektimit dhe të prodhimit.*
- (viii) *Standardet teknike, presionet maksimale të projektuara, kërkesat e komprimimit dhe matjes dhe karakteristikat e tjera teknike të makinerive dhe pajisjeve teknike që do të instalohen.*
- (ix) *Kërkesat minimale të cilësisë së gazit që do të livrohët sërish dhe instalimet që sigurojnë që cilësia e përcaktuar është arritur.*
- (x) *Dëshmi të kontratave/angazhimeve për depozitim.*
- (xi) *Kategoritë dhe listën e konsumatoreve( Projekti).*
- (xii) *Kërkesat e pritshme për hyrje prej palëve të treta ose çdo kërkesë e pritshme për përjashtim nga e drejta për hyrje e palëve të treta sikurse çdo vendim i dhënë më parë për përjashtim prej detyrimit të dhënies së të drejtës së hyrjes për infrastrukturat e reja sipas ligjit Nr. 102/ 2015, "Për Sektorin e Gazit Natyror"*
- (xiii) *Punët e Aplikantit për (a) zgjidhjen teknike të propozuar (b) vlerësimin e ndikimit mjedisor (c) vlerësimin e kostos (d) parashikimet ekonomike duke përfshirë mënyrat e financimit të cilat justifikojnë planin e biznesit për projektin e depozitimit nëntokësor të gazit natyror të përgatitura nga një shoqëri e specializuar.*
- (xiv) *Programin e punës për zbatimin e projektit dhe jetëgjatësia e pritshme e projektit.*
- (xv) *Planet vjetore të investimit për përmirësimin, zgjerimin ose modifikime të tjera të hapësirave të depozitimit do të hartohen sipas nenit 56 pika 2 të ligjit n.r.102/2015 "Për Sektorin e Gazit Natyror".*
- (xvi) *Programi i parashikuar i mirëmbajtjes së hapësirave të depozitimit.*

**e. Licenca për Tregtim të Gazit Natyror :**

*Duhet të përmbajë Informacion të përgjithshëm që përfshin sa vijon:*

- (i) *Sasinë mesatare të gazit natyror të shprehur në Milion Nm<sup>3</sup>, e parashikuar për t'u livruar gjatë një viti.*
- (ii) *Garancinë që cilësia e gazit përmbush kriteret minimale të operatorit të Sistemit.*
- (iii) *Kapitalin financiar të nevojshëm për kryerjen e aktivitetit që kërkohet prej Licensës dhe në veçanti për të mbuluar ekspozimin financiar të shkaktuar prej balancimit të gazit.*

**f. Licensë për Furnizim me Gaz Natyror**

*Duhet të përmbajë nformacion të përgjithshëm që përfshin sa vijon:*

- (i) *Sasinë mesatare të gazit natyror të shprehur në milion N<sup>m3</sup>, e parashikuar për tu livruar gjatë një viti.*
- (ii) *Garancinë që cilësia e furnizimit me gaz përmbush kriteret minimale të operatorit të Sistemit.*
- (iii) *Kapitalin financiar të nevojshëm për kryerjen e aktivitetit që kërkohet prej Licensës dhe në veçanti për të mbuluar ekspozimin financiar të shkaktuar prej balancimit të gazit.*

**g. Licensë për operimin e tregut**

- (i) *Lista e të punësuarve, profesioni, formimi*
- (ii) *Dëshmi për posedimin e harduerit dhe softuerit të nevojshem për komunikimin me të gjitha pikat e matjes si dhe me të gjithë pjesmarresit në treg (klientët e tyre)*
- (iii) *Lista e anëtareve të Këshillit Mbikqyrës.*

**h. Licensë për operimin në impiantet e GNL-së me përmasa të vogla**

*Aplikuesi për licencim për operim në impiantet e GNL duhet të depozitojë Informacion me të dhëna të përgjithshme dhe teknike të projektit që përfshijnë sa vijon:*

- i. miratimin nga organet përkatëse të menaxhimit dhe mbrojtjes së mjedisit (VNM, Deklaratë mjedisore, Leje) për ushtrimin e veprimtarisë sipas legjislacionit ne fuqi për vlerësimin e ndikimit ne mjedis;
- ii. projektin teknik të detajuar, të hartuar nga studio e licencuar, që përmban të dhëna për impiantin, vendndodhjen e instalimeve, hartat e vendndodhjes, skemat e tubave dhe Instrumenteve (P&ID), specifikimet teknike të pajisjeve kryesore (rezervuarë kriogjenikë për GNL), si dhe kapacitetet operationale;
- iii. Marrëveshje paraprake për autorizimin e burimit të furnizimit me gaz nëpërmjet transaksioneve dypalëshe në baza afatshkurtra, por jo më pak se 1 (një) muaj;
- iv. vërtetimin nga ISHTI për Inspektim të të gjitha pajisjeve për efekt të sigurisë dhe pajtueshmërisë teknike;
- v. një dokument operacional që përmban manualin e operimit të impiantit, procedurat e mirëmbajtjes, sistemin e menaxhimit të sigurisë dhe politikat e sigurisë industriale;
- vi. dokumentacion që vërtetën të drejtën e përdorimit të pajisjeve.
- vii. dëshmi për kualifikimin e stafit.
- viii. Cdo leje tjetër sipas legjislacionit ne fuqi për transportin e mallrave të rrezikshme.

**i.Licensë për operimin në impiantet e GNK-së me përmasa të vogla**

Aplikuesi për licencim për operim në impiantet e GNK-së me përmasa të vogla duhet të depozitojë informacionin/dokumentacionin specifik si vijon:

- i. miratimin nga organet përkatëse të menaxhimit dhe mbrojtjes së mjedisit (VNM, Deklaratë mjedisore, Leje) për ushtrimin e veprimtarisë sipas legjislacionit ne fuqi për vlerësimin e ndikimit ne mjedis;
- ii. projektin teknik të detajuar, të hartuar nga studio e licencuar, që përmban të dhëna për impiantin, vendndodhjen e instalimeve, hartat e vendndodhjes, të dhëna për sistemet e kompresimit, skemën e stacioneve të mbushjes (nëse aplikohet).
- iii. autorizimin e burimit të furnizimit me gaz nëpërmjet transaksioneve dypalëshe në baza afatshkurtra, por jo më pak se 1 (një) muaj;
- iv. dëshmi të objekteve të autorizuar të magazinimit dhe mjeteve të specializuara të transportit (kamionë ose anije);
- v. vërtetimin nga ISHTI për Inspektimet të të gjitha pajisjeve për efekt të sigurisë dhe pajtueshmërisë teknike;
- vi. një dokument operacional që përmban manualin e operimit të impiantit, procedurat e mirëmbajtjes, sistemin e menaxhimit të sigurisë dhe politikat e sigurisë industriale;
- vii. dokumentacion që vërtetën të drejtën e përdorimit të pronës.
- viii. dëshmi për kualifikimin e stafit.

Neni 12 mbas pikës 4 vijojnë si në vijim:

5.ERE mund të japë një vendim licencimi me kusht kur gjykon se ndonjë nga kushtet e paplotësuara nuk është thelbësor për ushtrimin e menjëhershëm të veprimtarisë dhe aplikuesi merr përsipër ta plotësojë atë brenda një periudhe të caktuar.

6.Periudha e plotësimit të kushtit nuk mund të jetë më shumë se 12 (dymbëdhjetë) muaj nga data e hyrjes në fuqi të licencës me kusht, sipas nenit 24, pika 2 të ligjit nr. 102/2015.

7.Vendimi i ERE-s për dhënien e licencës me kusht specifikon:

- a) kushtin e paplotësuar dhe arsyen pse konsiderohet jo thelbësor;
- b) afatin e saktë të plotësimit të kushtit;
- c) dokumentacionin ose provat që duhet të paraqesë i licencuari për verifikimin e plotësimit;
- d) pasojat ligjore nëse kushti nuk plotësohet brenda afatit.

8.I licencuari me kusht paraqet pranë ERE-s provat e plotësimit të kushtit jo më vonë se 30(tridhjetë) ditë para skadimit të afatit të përcaktuar.

9.Nëse kushti plotësohet brenda afatit, ERE lëshon licencën e plotë pa kusht, duke shfuqizuar vendimin e licencës me kusht.

10.Nëse kushti nuk plotësohet brenda afatit, ERE fillon procedurat e heqjes së licencës sipas nenit 17 të kësaj rregulloreje, duke njoftuar paraprakisht me shkrim të licencuarin.

11.ERE refuzon dhënien e licencës në rastet e mëposhtme, sipas nenit 26 të ligjit nr. 102/2015 Në vendimin e ERE-s për refuzimin arsyetohen shkaqet sipas pikës 1 të këtij neni.

#### **Neni 17 pas pikës 2 riformulohet si në vijim:**

3. Të dhënat përkatëse në lidhje me licencat për kryerjen e veprimtarive në sektorin e energjisë elektrike dhe tërheqjen e tyre regjistrohen në Regjistrin manual që mbahet nga sekretaria e bordit.
4. Regjistri i licencimeve mbahet nga struktura përgjegjëse për licencimet në ERE, dhe përditësohet pas çdo mbledhjeje të bordit dhe publikohet në faqen zyrtare të internetit të ERE-s. Ky regjistër përmban këto të dhëna:
  - a. Emrin e të licencuarit;
  - b. NUIS-in;
  - c. Numrin dhe serinë e licencës;
  - d. Aktivitetin e licencuar;
  - e. Numrin dhe datën e vendimit të Bordit të ERE-s;
  - f. Kohëzgjatja e licencës;
  - g. Vendimet e licencimit të dhëna me kusht.

Aneksi A ndryshon si në vijim:

#### **ANEKSI A**

#### **PAGESA E REGJISTRIMIT DHE PROCEDIMIT TË NJË APLIKIMI**

<b>AKTIVITETI</b>	<b>Licencim</b>	<b>Modifikim</b>	<b>Rinovim</b>	<b>Transferim licence/asetesh</b>
<b>Transmetim të gazit natyror</b>	1 000 000 lekë	100 000 lekë	100 000 lekë	100 000 lekë
<b>Shpërndarje të gazit natyror</b>	1 000 000 lekë	100 000 lekë	100 000 lekë	100 000 lekë
<b>Furnizim të gazit natyror</b>	1 000 000 lekë	100 000 lekë	100 000 lekë	100 000 lekë
<b>Tregtim të gazit natyror</b>	40 000 lekë	30 000 lekë	30 000 lekë	30 000 lekë
<b>Operim në hapësirat e depozitimit të gazit natyror</b>	1 000 000 lekë	100 000 lekë	100 000 lekë	100 000 lekë
<b>Operim në impiantet e GNL</b>	1 000 000 lekë	100 000 lekë	100 000 lekë	100 000 lekë
<b>Funksionimin e operatorit të tregut të gazit natyror</b>	1 000 000 lekë	100 000 lekë	100 000 lekë	100 000 lekë
<b>Operimi në impiantet e GNL-së me përmasa të vogla</b>	1 000 000 lekë	100 000 lekë	100 000 lekë	100 000 lekë
<b>Operimi në impiantet e GNK-së me përmasa të vogla</b>	1 000 000 lekë	100 000 lekë	100 000 lekë	100 000 lekë

**Shënim:**

a) Aplikuesi, në momentin e paraqitjes së aplikimit, duhet të ketë kryer pagesën sipas përcaktimeve të këtij Aneksi. Pagesa e aplikimit është e pakthyeshme dhe mund të kryhet drejtpërdrejt në llogarinë bankare me të dhënat si vijon, ose pas lëshimit të një fature elektronike nga struktura e financës ne ERE, sipas kërkesës së vetë aplikuesit:

“Banka Kombëtare Tregtare”, në numrin e llogarisë 0200511 (në lek) dhe IBAN AL7320511021200511 CLCUCLALL.

Shërbimi i komisionit të bankës (në nisje dhe mbërritje) paguhet nga aplikuesi.

b) Aplikuesi, në momentin e paraqitjes së aplikimit, bashkelidh Deklaraten si më poshtë:

**DEKLAROJ SE:**

- Nuk më është hequr apo refuzuar më parë një licencë për operimin në sektorin e gazit natyror brenda apo jashtë vendit.

*(Nëse aplikuesit i është hequr apo refuzuar më parë një licencë, duhet të bëjë me dije arsyet dhe vendimin përkatës)*

---

---

---

---

- Jam njohur me kuadrin ligjor dhe nënligjor në fuqi dhe angazhohem për zbatimin e tij, si dhe të rregullave dhe rregulloreve të miratuara nga ERE për operimin në sektorin e gazit natyror.
- Dokumentet dhe të dhënat e paraqitura për qëllime të këtij aplikimi janë të vërteta dhe jam i vetëdijshëm se, në rast deklarimi të të dhënave të pavërteta apo të paraqitjes së dokumenteve të falsifikuara apo me të dhëna jo të vërteta, jam subjekt i masave të parashikuara në Kodin Penal dhe aktet e tjera ligjore dhe nënligjore në fuqi.
- Jam i gatshëm të paraqitem në ambientet e ERE-s në rast nevojë të zhvillimit të ndonjë seance dëgjimore në kuadër të këtij aplikimi.
- Kam kryer pagesën e aplikimit, sipas përcaktimeve të rregullores, në datën \_\_.\_\_\_\_.\_\_\_\_\_, pranë Bankës \_\_\_\_\_.

- Nuk jam i angazhuar në ndonjë aktivitet tjetër tregtar në Shqipëri ose vend tjetër.  
*(Nëse aplikuesi është angazhuar në ndonjë aktivitet tjetër tregtar, duhet të japë shpjegimet përkatëse)*

---

---

---

---

**Për aplikuesin**

\_\_\_\_\_  
(emër mbiemër, nënshkrim)

Shtohet shtojca 1-A si më poshtë:

### SHTOJCA 1-A

*Sipas ligjit 105/2015, Perkufizimi 17/1 “Impiant me përmasa të vogla” është njësia lëvizëse që përdoret për prodhimin/depozitimin, transportimin dhe/ose shpërndarjen e sasive të vogla të GNL-së dhe/ose GNK-së.*

#### VEPRIMTARIA E OPERIMIT ME IMPIANT ME PËRMASA TË VOGLA GNL/GNK (për t’u plotësuar nga aplikuesi)

<b>Tipi i Impiantit</b>	<b>GNL sasive të vogla</b> <input type="checkbox"/>	prodhim <input type="checkbox"/>
		depozitim <input type="checkbox"/>
		transport <input type="checkbox"/>
		shpërndarje rigazifikim <input type="checkbox"/>
	<b>GNK sasive të vogla</b> <input type="checkbox"/>	prodhim kompresim <input type="checkbox"/>
		depozitim <input type="checkbox"/>
		transport <input type="checkbox"/>
		shpërndarje <input type="checkbox"/>

**Për aplikuesin**

(emër mbiemër, nënshkrim)